

تورکیا بو یول ملت مجلیسی

ضبط سابق

یوز یدنجی اجتماع

مندرجات

اوراق وارده :

نواحی قانونک مذاکره سی .

برنجی جلسه

رئیس : برنجی رئیس وکیلی حسن فهمی بک افندی

کاتب : سعید بک (موش)

۸ تشرین ثانی ۳۳۷ - صالی

بش کیشیک بر هیئتک اعزامی آیدین مبعوثی اسعد افندی
ایله رفقاسی تکلیف ایدیورلر .

اسعد افندی (آیدین) -- بنده کزک تکلیفم آظنه
مسئله سنه عاؤدی .

رئیس -- اویله ایسه صوکره عرض ایدرم. اوتنه کی
مسئله یی ظن ایدیوردم. او خصوصده مجلس نقطه نظری
تثیت ایشدر . ذاتاً مجلس نامه بر هیئت کیدیورافندم.
نواحی قانونک مذاکره سنه کچوروز .

حسین عونئی بک (ارضروم) -- افندم! هر کون بیک
درلو اختلاف مزه بادی اولان هیئت وکیلک وظائفه
دائر اولان قانون حقدنه انجمن مخصوصک یا یمش اولدینی
مضبطه طبع اولمشدر. بو اختلافه نهایت ویرمک ایچون
بونی هر شیئه تقدیماً مذاکره ایدم چیقارالم .

رئیس -- مجلس کشاد ایدلدی. ضبط سابق خلاصه سی
اوقونوجق .

ضبط سابق خلاصه سی حقدنه مطالعه وارمی؟ (ضبط
سابق عیناً قبول اولندی)

دول مؤتلفه نک تضییقه فریدپاشا زماننده قالدیریلان
کمرک قانونک اعاده مرعیتنه دائر اولان تکلیف قانونی یی
لایحه انجمنی شایان مذاکره کوریور. قوانین مالیه انجمنه
حواله ایدیوروز .

سقط و معلول غازیله دولت انحصارنده کی موادک
بیعه رسمنک تخصیصی حقدنه کی تکلیف قانونی یی لایحه
انجمنی شایان مذاکره کوریور. قوانین مالیه انجمنه
کوندریوروز .

مالطه دن کن ذواتی مجلس نامه استقبال ایتک اوزره

امین بك (بروسه) — افندم! بوندن ۶-۵ آی اول سیویل اطبا حقنده مجلس عالیگزیه بر قانون کلمشدی . بو اوزون، اوزادی یه مناقشه ایدلدی . نهایت مجلس عالی مدافعه ملیه و صحیه انجمنلرینه حواله ایتدی اوراده تکرار مذاکره ایدلدی . و مجلس عالینک امری وجهله بر شکل تثبیت اولندی . شمدی بالکیز مجلسدن چیقارلمسی قالدی . یعنی اوزون اوزادی یه مناقشه ایدله جک بر نقطه سی قالدی . کرک مدافعه ملیه و کرکسه صحیه انجمنجه بر شکل قرارلاشدیرلدی . آلتی آیدن بری روزنامه مزده دوریور . استرحام ایدرم . اوچ دقیقه لوق بر مسئله در . چیقارالم .. توفیق افندی (کنگری) — افندم! مشروطیت و مجلس مبعوثانک سبب تشکلی اولان بودجه حالا مذاکره اولتمیور . هر شیئه ترجیحاً اونک مذاکره سی تکلیف ایدرم . (براوو صدالری)

رئیس — اولا توفیق افندی حضرتلرینک تکلیفلرینه دائر اولان شیئه جواب ویره جکم . بودجه موازنه مالیه انجمنندن کلدیکی کون روزنامه مزه ادخال ایتک طبیعی لازم و الزمدر . چوق رجا ایدرزکه : بر آن اول بودجه یی موازنه مالیه انجمنی چیقارسون! حسین عونیی بک تکلفی روزنامه مزه آلیرز . مع مافیه؛ هر هانکیسی تقدیماً مذاکره ایتک هیئت جلیله کزه عأنددر . شونی ده عرض ایدیم که : روزنامه نک تزیدی ایچون مذاکره یی قیادارکن شونی ، بونی علاوه ایتک مسئله سی اوزمان آچسه ق ده ای اولوره روزنامه مزده ۱۰-۱۲ تکلیف واردر . بوندن صوکره روزنامه مزه حسین عونیی بک تکلیفی ده علاوه ایدرز . هیئت وکیله نک قانونتی ده علاوه ایدرز . هانکیسی ترجیحاً مذاکره ایدرسه کز او ، هیئت جلیله کزه عأنددر . شمدی نواحی قانوننک مذاکره سه کچوروز . معلوم عالیگزاون اوچنجی ماده ده قالمشدی .

ماده : ۱۳ — دائره مأموریتلری داخلمده حکومت و ولایت مأمورلری و ناحیه بودجه سندن معاش آلان مأمورین و مستخدمین ناحیه شوراسی اعضالغنه انتخاب اولنه ماز . کذلک قریه ملتزم و متعه دلری عین ناحیه داخلمده اعضالغنه انتخاب ایدیه مز .

وهی بک (قره سی) — رئیس بک! بر نقطه سی ایضاح ایچون ضبطه کچمه سی رجا ایدیه جکم . ایلروده تفسیره مدار اولسون . (ناحیه بودجه سندن معاش آلان مأمورین و مستخدمین ناحیه شوراسی اعضالغنه انتخاب اولنه ماز) دینور . بونلرالی اابدی انتخاب اولنه ماز ، یوقسه معاش آلدینی مدتجه می ؟

حیدر بک (وان) — معاش آلدینی مدتجه . وهی بک — اوت اونی بنده بیلیورم اما بوقانون کویلرده تطبیق اولنه جق . هیچ اولمازسه ضبطه کچسون . رئیس — او حالده ؛ سوزلر بیتدی . تعدیل نامه ده یوق . ماده یی رایگزیه عرض ایدیم . اون اوچنجی ماده یی کافی کوروب اون ایکنجی ماده یه کچیلیمسی قبول ایدنلر لطفاً ال قالدیرسون ! (قبول ایدلدی)

افندم ، ۱۲نجی ماده یی معلوم عالیگز انجمنه ویرمشدک انجمن بو ماده یی نظر دقته آلان تقریرلر موجبجه تعدیل ایتمش ، او قویوروز .

ماده ۱۲ — ناحیه شوراسی اعضالغنه انتخاب اولنه بیلیمک ایچون شرائط آفندن بشقه شرائط آتیه ده لازمدر : ۱ — یکرمی بش یاشنی اکال ایتمش اولمق . یکرمی بر یاشنی اکال ایدنلردن او قویوب یازانلر اعضالغنه انتخاب اولنه بیلیر .

۲ — محل شرف و حیثیت بر فعدن دولایی جنجه ایله و افعال سائر دن دولایی برسنه حبسه محکوم اولماق . ۳ — ناحیه نک حیات عمومیه سنده فعلاً داخل و علاقهدار بولتمق .

وهی بک (قره سی) — افندم ! برسنه مسئله سی بزم کویلرده نظر دقته آتمه لی . برسنه مسئله سی یا کلمشدر . اویله کویلر واردر که : اورالرده اعضاده بولنه میه جقدر . باخاصه ولایات شرقیه مزده اعضا بولنه میه جقدر . کویلر حقسنده قابلیت تطبیقیه سی یوقدر . بناء علیه ؛ جنایت دیمک کافیدر .

مظهر بک (آیدن) — بنده کزک وارد خاطری اولان برشی سوبه لمک ایستایورم . (ناحیه ده مقیم اولمق و یا خود ایستایسندن اولمق) قیدنده ناحیه اهالی سندن اولانلر ایچون

علاوه ایتمشدك .. اكر هيئت عموميه آرزو ايدرگرسه
 قالدیره بيليرز . انجمن بونك ايچون برشي ديمز ..
 رئيس — تقريري رايكزه عرض ايديورم . برسنه
 قيدينك طيني قبول ايدنر لطفاً اللريني قالديرسونلر !
 (تقرير نظر اعتباره آلمادي) اون ايكنجى ماده ي انجمندن
 كان شكليه رايكزه عرض ايديورم (بردهاوقونسون
 سسلى)

(۱۲نجى ماده بردهاوقوندى)

رئيس — باشقه تعديلماناه يوق . سوز آلانده يوق .
 ماده حتمده برنجى مذاكره سنى كافي كورنر لطفاً اللريني
 قالديرسونلر ! (برنجى مذاكره كافي كورولمشدر)
 رئيس — ۱۴نجى ماده يه كچوروز ؟
 ايكنجى قسم

ناحیه مجلس اعضاغيلاه قابل تأليف اولمايان خدمات
 ناحیه مجلسنده اجتماعى جائز اولمايان كيمسه لر ناحیه مجلسى
 اعضاغنندن سقولى مستلزم احوال .

ماده ۱۴ — مبعوثلق ، مجلس اعضائى و مأمورين
 ناحیه اعضاغيلاه قابل تأليف دكلدر . اشبو اوصافى جائز
 بر كيمسه ناحیه مجلسى اعضاغننه انتخاب اولوندينى تقديرده
 انتخابات نتيجه سنك تاريخ تبليغندن اعتباراً اون كون
 مده حق اختيارى جائزدر . بومدت ظرفنده حق اختيارى
 استعمال ايمزسه اعضائى ساقط اولور .

رئيس — ماده حقنده سوز ايستين وارمى ؟
 سليمان سرى بك (يوزغاد) — يالكنز مجلس كلمه سى
 شورا اوله جق .

بصرى بك (قره سى) — اقدم ! قابل تأليف كله سنى
 قابل اجتماع شكنده تصحيح ايتليدر .

حيدر بك (وان) — اقدم ! سر لوحه ده برنجى سطرده
 ناحیه مجلسى دكل ، ناحیه شوراسى اوله جق . صوكره
 ايكنجى سطر ك نهايتنده ينه ناحیه مجلسى دكل ، ناحیه
 شوراسى اوله جق . صوكره ماده نك ايكنجى سطر ينك باشنده
 « ناحیه شوراسى اعضائى ايله قابل تأليف دكلدر » اوله جق .
 لطفى بك (ملاطيه) — برده شوراسى وار . بونك
 هانكيسى اولدينى تصريح اولنمايور .

مقيم اولمق قيدى اولمدينى آكلاشيليور . ناحيه ده مقيم
 اولان بر آدمك ، ترده اقامت ايدرسه ايتسون ، او ناحيه
 اعضاغننه انتخاب حقى وارددر . شو تقديرده كوى ويا قصبه دن
 اوزاق ، تجارت سائر ايله اشتغال ايدن او ناحيه و كويده تولد
 ايتش بعض ذوات بونلردن ۲ ، ۳ ، ۴ دان سنك انتخاب
 ايديله بيلمسى مأمول اولديغنه كوره اونلر قصبه لرده كى
 ايشلريني ترك ايدرك ، هر زمان اجتماعه كيمزسه طيبى ناحيه
 شوراسى دخى هر زمان مستظماً اجتماعى ياپه ميه جقدر .
 بونكه برابر تجارت سائر ايله اشتغال ايدن ودها زياده
 كوى اوزرينه ذى نفوذ آدمك انتخابى تأمين ايدمش اولمق
 احتمالى موجوددر . بومتخبلر حقنده بولنان شرائط مياننده
 (مقيم اولمق ويا او ناحيه اهاليسندن قيدى) وار . ناحيه
 اهاليسندن اولمق ايچون مقيم اولمق قيدى يوقدر . بناء عليه ؛
 يالكنز او ناحيه اهاليسندن اولمق ديمك ، او ناحيه ده تولد
 ايتش بر شخص اولمق ديمكدر . عيى شرطلر اولدينى
 ايچون سويليورم . چونكه : علاقه داردر . اونك ايچون
 عرض ايديورم كه : بوبنده كزجه محذوردر . بومحدورى
 رفع ايديه بيلمك ايچون بوتون بوتون او ناحيه ايجريسند
 اولانلر ك انتخابى منع ايتك ، بعض منور انك انتخابه مانع
 اولمق ديمك اوله جنى ايچون ، هيچ اولمازسه بر قيد قوتومق
 لازم كله جكنى ظن ايديورم . وهيچ اولمازسه شورا اعضا
 عددينك ثلثى ويا درتده برينى تجاوز ايمه مك اوزره بوكى
 قريه خارجنده ساكن اولانلر كده انتخابى جائزدر ديمك
 كجى ، بر قيدك علاوه سنى تكليف ايدرم .

رئيس — قره سى مبعوثى وهى بكك بر تدويل
 تكليفى وار :

رياست جليله

بر سنه قيدينك طينى تكليف ايلرم .
 قره سى وهى
 رئيس — حيدر بك ، انجمنك بوبنده بر مطالعه سى
 وارمى ؟

حيدر بك (وان) — بر مطالعه من يوقدر .
 رئيس — تقريري رايكزه عرض ايديورم .
 حيدر بك (وان) — كچن كون بو برسنه قيدى
 يوقدى . هيئت عموميه نك قبول ايتديكى تقرير اوزرينه

ایکسجی قسم

ناحیہ شوراسی اعضا الغیلہ قابل تالیف اولمیاں خدمات
ناحیہ مجلس سنده اجتماعی جائز اولمیاں کی مسہلر . ناحیہ
شوراسی اعضا الغیلہ ستوطی مستلزم احوال .

مادہ (۱۴) — مبعوثلق وبالعموم مجالس رسمیه
اعضائنی ومأمورین ناحیہ شوراسی اعضا الغیلہ اجتمع
ایده مز . اشبو اوصافی جائز برکیسه ناحیہ شوراسی
اعضا الغیلہ اتخاب اولندیغنی تقدیرده انتخابات نتیجه سنک
تاریخ تبلیغندن اعتباراً اون کون مدتلہ حق اختیاری
حائر در . بومدت ظرفنده حق اختیاری استعمال ایتمزسه
اعضائنی ساقط اولور .

رئیس — افندم ۱۴ نجی ماده حقنده برنجی مذا کره نی
کافی کوروب ۱۵ نجی ماده یہ کچلمسنی تنسیب ایدنلر
الارینی قالدیر سوئلر! (قبول ایدلمشدر)

مادہ (۱۵) — بابا ایله اوغلی ، داماد وبرادر لک
بر مجلسده اجتماعی جائز دکلدلر . بوصورتله اجتماعی جائز
اولمیاں لره بر ناحیہ مجلس اعضا الغیلہ اتخاب اولندقلری
تقدیرده اک زیاده رأی آلان اعضا لک حقنی اکتساب
ایدر . تساوی آرا وقوعنده پدر ویاسنا بیوک اولان
برادر ترجیح اولنور .

لطیف بک (ملاطیہ) — مجلس دکل ، شور اوله حق .
رئیس — افندم مجلس کله سی شورایه تحویل اولنه .
جقدر . بونلر اساساً تقرر ایتمش مسئله لر در .

حاجی توفیق افندی (کنگری) — افندم! پدر ویاخود
بویوک برادر ترجیح اولنور دیور . بوکوی وظیفه لرده
اسباب ترجیح علم و عرفان اولمیلدر . بویوکلک ، کوچوکلک
اولماملیلدر . اوکا کوره تصحیح ایدلسون .

حیدر بک (وان) — علم و عرفانی اولان دیه
تصحیح ایده بیلیرز .

بصری بک (قره سی) — ترجیح مسئله سی قرعه ایله
تعیین ایلمک لازمدلر . علم و عرفانی تقدیر ، ظن ایدرسه م
قابل دکلدلر . قرعه چکیلورسه دهائی اولور . بو طرزده
تصحیحنی تکلیف ایدرم .

امین بک (ارزنجان) — افندم! توفیق افندی نک ادعای

حیدر بک (وان) — ناحیہ شوراسی اعضا الغیلہ اتخاب
اولنور اوله حق .

لطیف بک (ملاطیہ) — هانکی مجلس اعضائنی ؟
حیدر بک (دوامه) — مجلس اعضا الغیلہ مقصد
۱۳ نجی ماده ده ، ناحیہ دائره سی داخلنده بولنان اعضا
مأمور ، متعهد بولنانلر ، ۱۴ نجی ماده ده علی الاطلاق
بونک خارجنده قالان اعضا لقلری ذکر ایدیور . مثلاً:
مبعوثلق ، مجلس اعضائنی ، مجلس اداره ، بادیه اعضائنی
علی العموم مأمورین . . علی العموم مجالس اعضائنی . .
صکره ناحیہ ده مقیم اولور بر مأموریتی ده واردلر . اعضا الغیله
اتخاب اولنور و کندینه تکلیف ایدلیر . قبول ایدرسه
ایدر ، ایتمزسه قالور .

رئیس — اون دردنجی ماده حقنده باشقه سوز آلان
یوق . . تعدیل نامه ده یوق . .

حیدر بک (وان) — مجالس دن مقصد مجالس
رسمیه در . بوقسه بر طاقم مجالس خیریه واردلر که: بونلر
مانع دکلدلر .

رئیس — اون دردنجی ماده نی رأیکزه عرض
ایدیورم .

بصری بک (قره سی) — قابل تالیف ، قابل اجتماع
طرزنده اولمائی .

وهی بک (قره سی) — قابل تالیف موافق دکلدلر .
رئیس — حیدر بک نه دیورسکنز ؟

حیدر بک (وان) — بکی افندم قبول ایدرز .
رئیس — افندم! سعرد مبعوثی مصطفی صبری

افندی قابل تالیف کله سنک طی ایله یرینه «اجتماع» کله سی
تکلیف ایدیور ، انجمن ده قبول اییدی .

فؤاد بک (بولی) — مجلس اعضائنی یرینه مجالس
اعضائنی دینسه دهائی اولور ظن ایدرم .

رئیس — انجمن برشی دیورمی افندم ؟
حیدر بک (وان) — اساساً مقصد مز اودر .

مجالس خیریه ده اوله حق اولورسه اونیه قبول ایدرز .
رئیس — شمعی ماده نک شکلی بویله اولیور :

مخیر در دنیلیورسه بونی کویلوده آکلاره هر کس ده آکلاره
صوکره آشاعیده حق اختیاری استعمال ایتزسه دنیورکه:
حق اختیار ، ذاتاً اختیارک ایچنده در ...

طونه لی حلی بک (بولی) — افندم تهلسکه لی بر ماده
قارشوسنده بولونیورز: بر قاچ کویدن مرکب اولان
بر ناحیه ده دیمک اولیورکه : هر کس ایسته دیکی کویدن
ایسته دیکی کیمسه نی انتخاب ایده بیله جک • شو تقدیرجه
آرقداشلر تشکیلات اساسیه قانونی مناسبتیله کچن سنه
باش آغریده جق صورتده بحث ایتدیکم تمیل محلی نی
تأمین ، بو ماده نك زمینی تشکیل ایدن ۲۸ نجی ماده در.
بر کویک اهالیسی دیگر کویک انتخاباته اشتراک ایده مز •
آنجق ناحیه داخنده بولنان دیگر بر کویدن انتخاب ایده بیلیر •
بش کوی فرض ایده لم که ؛ ناحیه مزنی تشکیل ایدیور •
بویش کویک بری تصادفادیگر کویلردن بویوک ومع التأسف
کریک رحمانی وکریک شیطانی جهندن دیگر لردن بویوکسک
مرتبه ده بولونیور • بالخاصه شیطانی قسمده قوتی ده
زیاده ایسه امین اوله لم که ناحیه ایچون لازم اولان اعضانک
اک چوغنی او کویدن انتخاب ایدیله جکدر • باخصوص ایلیک
سنه لرده بونک یوزده یوز اولسنه قناعت کاملهم واردر •
چونکه شو اوچ بش سنه ظرفنده اهالینک قلباً روحاً
اولان اداره اعتباریله از کینلسکی، بز کینلسکی انتخاباته فارشی
صغوق داورانسنی انتاج ایده جکدر •

اهالیمزک بر چوق قسمی خلقمیزک بر ایشنی دیگر لرینه
یوکلتدیرمک طرفداریدر • بوندن دولای بر کره مقابل
طرفده کی او دیشلی اولان طاقلر دهاسه ولته کندی
مراد لریته ایره جکلر وکندیلرینی انتخاب ایتدیره جکلر در.
بونی ده بر طرف ایدیکیز • بش ناحیه تمامیله ، بش کوی
علی السویه عرفاناً ، ثروة ، بویوکک ، کوچکلک اعتباریله
بر اولورسه شوالده رحمانی ، منورذواتدن اولمق اوزره
فرض ایدیورم که : بر کویده بر چوق کیمسه لر بولونیور،
علم و عرفان سببیه قازاندقلری حسن توجه ...

محمد شکری بک (قره حصار) — بونلر ماده یه دائر
دکلدر. صده •••
طونه لی حلی بک (دوامله) — ماده یه دائردر •

وارد دکلدر . بونلری امتحانی ایده جکلر ؟ .. پدرمی
دها عالمدر ، یوقسه اوعلیمی دها عالمدر دیه ... بن
بصری بکک افاده سنه اشتراک ایدیورم . قرعه اییدر •
حاجی توفیق افندی (کنگری) — ناحیه افکاری
مرجهدر ، اهالی بیلیر اونی •••

رئیس — افندم ! اون بشنجی ماده حقنده باشقه
سوز آلان یوق. تعدیلنامه ده یوق •••
بصری بک (قره سی) — قرعه ایله اولسون ..
حاجی توفیق افندی (کنگری) — تکلیفم تعدیلنامه در.
تحریر آده اولور ، شفا هآده اولور ..

رئیس — انجمن اشتراک ایدرسه رأیه قویهیم ••
حیدربک (وان) — افندم ! تساوی آرا وقوعنده
او قویوب یازمسی بولنان او قویوب یازمسی بولنمادینی
تقدیرده پدر ویا سنآ بویوک اولان برادر ترجیح اولنور •
شکلنده تصحیحی موافقدر .

رئیس — افندم ! ماده تکرار او قونیور :
ماده (۱۵) — بابا ایله اوغل ، داماد و برادر لریک
بر شوراده اجتماعی جائز دکلدر . بصورتله اجتماعی جائز
اولیانلر بر ناحیه شوراسی اعضالغنه انتخاب اولندقلری
تقدیرده اک زیاده رأی آلان اعضالق حقنی اکتساب
ایدر • تساوی آرا وقوعنده او قویوب یازمسی اولان
و او قویوب یازمسی بولنمادینی تقدیرده پدر ویا سنآ بویوک
اولان برادر ترجیح اولنور •

رئیس — افندم ! ۱۵ نجی ماده نك تعدیلی وجهله
برنجی مذاکره سنی کافی کوروب اون آلتنجی ماده یه
کچیلمسنی قبول ایدنلر لرینی قالدیرسونلر! (قبول ایدلدی)
ماده (۱۶) — متعدد کویلردن مرکب قراده بر قاچ
کویدن انتخاب ایدلمش اولان اعضا اوچ کون مدتله حق
اختیاری حائزدر . بومدت ظرفنده حق اختیاری استعمال
ایتزسه اک زیاده رأی ویرن کویک اعضاسی اولور •

حیدر بک (وان) — قری یرینه ناحیه لرده اوله جق ..
وهی بک (قره سی) — افندم ! حق اختیار تعیری
بک متروکدر • بونک اصلی حق خیاردر • ودها تصحیحی
ودها طوغر و سنی مخیردر •

کون یا پنا کزی رجا ایدرم . انجمنده اساساً موافقت ایدیور .
 توفیق افندی (کنگری) — بک افدینک اعتراضی
 وارد دکدر . چونکه ناحیه ده بولنان اهلینک هر برزلی
 دیگر کویلدن انتخاب اولنه بیلیرلر . اولاییلیرکه : ناحیه
 مرکزندن بر آدمی بش آلتی کوی انتخاب ایتمش اولور .
 بوماده ۲۸ نجی ماده ایله ده قابل تألیفدر . اصلنک بقاسی
 لازمدر .

طونه لی حلمی بک (بولی) — بنده ماده نک
 طینه مصرم . اساساً غایت فنادر افندم !
 رئیس — افندم ! حلمی بک اون آلتیجی ماده نک
 طینی تکلیف ایدیور . طینی قبول ایدنر لطفاً ال قالدیرسون :
 (قبول ایدلمدی)

ریاست جلیله

متعدد کویلدن مرکب قراده تعیری اجتهادجه زائددر .
 چونکه مابعدی بر قاچ کویدن انتخاب ایدلش اولانه اعضا عباره سی
 مندر جدرکه اوعباره کافیدر بناء علیه ؛ (متعدد کویلدن مرکب
 قراده) عباره سنک ماده دن طینی تکلیف ایدرم .

موش

احمد حمیدی

رئیس — افندم ! قرا کله سنی ناحیه شککنده ذاتاً
 انجمن تعدیل ایتدی . (حاجی احمد افدینک تقریری
 نظر اعتباره آلمدی)

منجر اولوق ایچون ۳ کون یرینه اون کون اولسنی
 انجمنلرده قبول ایدیور . انجمنده بوکا موافقت ایدیور .
 افندم ! اون کون اولسنی سنیب بیور بیور میسکز ؛ قبول
 ایدنر لطفاً ال قالدیرسون ! (قبول ایدلشدر) اون
 کون اولوق اوزره تصحیح ایدیله جکدر . اون کون
 مدته عباره سی کافی کایورمی ؟

حیدر بک (وان) — اون کافی کایور .

رئیس — افندم ! ماده شو شکی آلیور . متعدد
 کویلدن مرکب ناحیه لرده بر قاچ کویدن اتخاذ ایدلش
 اولان اعضا اون کون مدته بخیردر . بومدت طرفنده حق
 اختیارینی استعمال ایتزه الک زیاده رأی ویرن کویک
 اعضا سی اولورکه : ده اصیر حیدر تعدیلات وجهله ۱۶ نجی
 ماده نک مذاکره سنی کافی کوروب ۱۷ نجی ماده یه کچلمه سنی
 آرزو ایدنر لطفاً ال قالدیرسون ! (۱۷ نجی ماده یه کچلادی)

بالخاصه انتخابات مسئله سنده بکاهیچ درس ویره مزسکز
 افندم فرض ایدیور زکه : بوتون اعضا لدرت کویدن عبارت
 اوله حق . . . بو کویک حالی بیلمه لی میم که : بنده ناحیه
 شوراسنده اونی بحق مدافعه ایده بیلمه . حالبوکه بن فلان
 کویده میم . . . اعضا سز قالدن کوی بکا ۳-۴ ساعت مسافه ده در .
 بلکه بن او کویه هیچ کیتمه مشم . و یا خود ایچی کوی آره سنده
 ضدیت واردر . او ضدیتی بن بوسبتون علولندیررم و او
 کوی بوسبتون تر قیدن ودها دوضروسی کنندینک نفعنه
 تعلق ایدن حصه لردن حصه دار ایتیم . افندیلر ! بوراده بر
 قید قورسه ق بر کویک منتخباری یا لکیز کندی کوی بولوسنی
 انتخاب ایده بیلیر . . .

نییل افندی (قره حصار صاحب) — مبعوثلرده اویله
 اولاجقیمی حلمی بک ؟

طونه لی حلمی بک (بولی) — انشاء الله . افندم بو
 قیدی قویارسه ق تمیل محلی یی ظن ایدر سه م بر عشق سودا
 ایله کچن سنه اوزون اوزادی به عرض ایتدیکم اساس تامامیله
 تأسس ایدر و امید ایدرم که مملکت چوق استفاده ایدر
 و بنم قناعت کامله م بوندن عبارتدر . بناء علیه آرقداشلر
 بو اون آلتیجی ماده بوراده تامامیله زائددر . بویله بر قیده
 لزوم بو قدر . بونک طینی تکلیف ایدرم . [اوچ کوی اولورسه
 بش اعضا لازم اولورسه سسلری] اوچ کویه بش اعضا
 لازم ایتمش . بوراده بز نفوسدن بحث ایتیموز . ذاتاً قانونک
 بو قسمی چوق ناقصدر . مثلاً بو کویک نفوسی تقدر ؟
 یوز ، بر دیگرینک ایکوز ، بر دیگرینک اوچپوزدر . بویله
 مختلف نفوسله بر کویده ایکی اوچ اعضا چیقار .

حق بک (وان) — نفوسلر مساوی اوله بیلیر .

طونه لی حلمی بک (بولی) — نفوسلرده اولجه مطلق
 صورتده ، انتخابات قانوننده بو کوریشیله جکدر . بو انتخاباته
 متعلقدر . نفوسلر مادی بر مسئله در . نفوسلر مساوی
 اولنجه یایش چیقار یا آلتی چیقار .

طوراق بک (ارضروم) — بو حق خیار ایچون
 اوچ کون آزددر . افندم ! معلوم عالیکنز بزم کویلر مزده
 تلفون وسائر اولدینی ایچون بو تشکیلاتدن کویلر مز
 محروم اولدینی ایچون احتمالکه تقدیر ایدیله مز . بونی اون

عثمان نوری بك (بروسه) — مساعده بيورك رئيس
 بك معروضاتم وار .
 رئيس — افندم! سوز آله جق ذوات دها اول سوز
 آسونلر! مذا كره خستامه ايريبور. تقرر لر بيور. ماده
 رايه وضع اولنور كن سوز آليورلر .
 ماده — ۱۷ : جنایت، مغل شرف و حیثیت بر فعلدن
 دولانی جنحه ایله محکومیت و دیگر بر ناحیه به صورت
 قطعیه ده نقل مکان، اعضالی ایله قابل تألیف و اجتماع اولیان
 احوال دن برینك قبول و ابقاسی اعضا القدن سقوطی مستلزمدر .
 اسقاط کیفیتي ناحیه شورالی قرار یله اجرا اولنور .
 حیدر بك (وان) — ولایت شوراسی اوله جقدر .
 رئیس — ولایت شوراسی دییه تصیح ایدیه جکدر .
 سلیمان سری بك یوزغادا — افندم! بو اون یدنجی
 ماده ده جنایت ایله مغل شرف و حیثیت بر فعلدن دولانی
 جنحه ایله محکوم اولان دیبور . تراون ایکنجی ماده نك
 ایکنجی فقره سننده اعضا لغه مانع اولان محکومیتی
 شمدی شوشکلده قبول ایتدك . مغل شرف و حیثیت بر
 فعلدن و جنحه ایله بر سنه حبس قبول ایتدیکنز ایچون
 قبول ایدیلن فقره نك بورایه عیناً علاوه سنی و دیگر لرینك
 ظنی تکلیف ایدرم .
 توفیق افندی کنگری — ظن ایدر سه م بو ماده بعد
 الانتخاب اشو افعالی ارتکاب ایدنلر حقننده اولاجقدر .
 اوتیه کی قبل الانتخاب بر مسئله در . بو کله بعد الانتخاب دیملی .
 بو قیدی علاوه ایتلی . برنجی مغل شرف و حیثیت کی
 مهمل بر عباره قوللانیور . بعض افعال واردر که : بر
 مملکتده مغل شرفدر . دیگر مملکتده دکلدرد . بونك
 نوعی تعیین ایتلی . بعض مملکتلر واردر که : مثلاً خرسیتان
 بولنان برلرده اولره میخانه جیلک اشرفدر . دیگر محله
 مغل شرفدر . بونلرک نوعلرینی تعیین ایتلیدر .
 امین بك (ارزنجان) — افندم! خواجه افندی
 حضرتلرینك ادعاسنك غیر وارد اولایغنی ادعا ایدیه حکم .
 مغل شرف و حیثیت گله سی اگر تصحیح ایدلیه جك اولور سه
 بر چوق محاذیری داعیدر . بریسی تفنك آثار ، بو مغل شرف
 و حیثیتدر دیه اعضا القدن اسقاط ایدر لر . بو تصریح ایدیلیر سه

دهلانی اولور ظن ایدرم .
 شکری بك (قره حصار صاحب) — افندم! مغل
 شرف دینلن جرائم قانون جزاهه مقیددر . مغل شرف
 و حیثیت دینلن جرائم ، سرقت ، دولاندر یجیلق و امنیتی
 سوء استعمال کی جرائم مختصی اوله رق قبول ایدلمشدر .
 دایما مغل شرف و حیثیت جرائم دیلیدی؛ بونلر آکلاشیلیر .
 بو قانونده موضوعدر . بویله آکلاشیلیر بونك باشقه
 شکلده آکلاشلیق امکانی یوقدر . یوق طابعه چکمش ،
 طوقات اورمش ، بونلر ذاتاً مغل شرف حیثیت اولار ق
 آکلاشیلماز .
 بصری بك (قره سی) — دینانک هر طرفنده مغل
 شرف و حیثیت افعال دن دکلدرد . بو کی شیلر افندم .
 شکری بك سوبلدگری کی مغل شرف و حیثیت اولان
 ذاتا قوانینمزده تثبیت ایدلمشدر . معلومدر ، بالخاصه تورکیا
 حدودی داخلنده بولنان مملکتلرده مغل حیثیت و شرف
 بولنان افعال معلوم اولدقندن باشقه هر یردهده مطرددر .
 آقروده مغل شرف و حیثیت اولان بر شی و آوادهده
 مغل شرف و حیثیتدر . دیگر یرلردهده بویله در . اساساً
 بر فعلک مغل شرف و حیثیت اولمسی هر کس بیلیر .
 توفیق افندی (کنگری) — افندی رجا ایدرم!
 رسمی کرخان جیلک ، میخانه جیلکده اولابیلیر بونلری
 قانون یازماز . بر فعلک مغل شرف و حیثیت اولوب اولدیغنی
 صکره تعیین ایدیه مز . بزده ، مسلمانلرده ، هیچ بر یرده
 میخانه جیلک توزکیا حدودی داخلنده اسلام مملکتینده
 مغل شرف و حیثیت اولیان افعال دن عد ایدیه مز .
 بصری بك (قره سی) مغل شرف قیدینی تورکیا
 داخلنده آکلامیان هیچ بر شخص یوقدر . بونلر خرسیتان
 ایچون وارد اولسه بیهل ماده مکه : اسلام اکثریتی احتوا ایدن
 بر مملکت قانونی جاری و مرعیدر . بناء علیه یوفصل اولیلر
 ایچونده مغل شرف و حیثیتدر . بناء علیه ؛ مغل شرف
 و حیثیت قیدینی تورکیا داخلنده آکلامیه جق بر فرد یوقدر .
 افندم ماده نك باشنه بعد الانتخاب جنایت مغل شرف احوال
 فقره سنك علی حاله ابقاسنی بنده کنز تکلیف ایدرم اور و پاده
 دکل تورکیاده یز .

توفیق افندی (کنگری) افندم! بیلیم برنجی تکلیفم انجمنجه قبول اولندی می؟ تکلیفم بعدالاتخاب کله سی ایدی. اعضاقله قابل اجتماع وتالیف اوله میان قانونک تعیین ایلدیکی برطاقم جنجه و جنایتلر واردر. اوندن ماعدا قانونک ساکت اولدیغی برطاقم محل شرف و حیثیت احوال واردرکه: قطعاً وقاطباً اعضاقله قابل تالیف واجتماع اوله ماز. دعوا بوندن عبارتدر. مثلاً سرخوش اولوق کبی.

حقق بک (وان) -- اونو منع مسکرات قانونی حل ایتشددر.

توفیق افندی (کنگری) صکره بعض شیلر واردرکه: حکماً حل اولنماشدر. فقط؛ اهالی عندنده، افکارعامه عندنده او احوال معلومدر، او احوالی تثبیت ایتک لازمدر. دعوام بودر.

اسماعیل صفا بک (مرسین) -- ولایتک شوراسی قرار ویره جک. بونک تطبیقنده چوق مشکلات واردر. سلیمان سری بک (یوزغاد) توفیق افندی خواهه بعدالاتخاب کله سنی تکلیف ایتدیلمر. حالبوکه: بوفصل انتخاب فصلیدر. اونک ایچون بعدالاتخاب قیدینه حاجت یوقدر. اسماعیل صفا بک (دوامله) -- افندم! بوراده اعضاقلدن اسقاطی موجب اولان احوال محرردر. عرض ایتدیکم نقطه ولایت شوراسنک بو خصوصده قرار ویرمسی تطبیقنده چوق مشکلاتی موجب اولور. انجمنک شی مجلس اداره قضا یرینه ولایت شوراسی دیه قرار ویرمشدر. و مجلس اداره قضا ده اوله ماز. مجلس اداره قضا اساساً ناحیه شوراسنه مرجع اوله ماز. ناحیه شوراسنه آنجق ولایت شوراسی مرجع اوله بیلیر. یوللر مز یوق، پوسته زمرن یوق، بناء علیه؛ بونی تا ولایت شوراسنک اسقاطه قرار ویرمسی فعلیاتده بر چوق تأخره مشکلاته سببیت ویره جکدر. چونکه بز صوک قبول ایتدی کمز تشکیلاتده بعض ناحیه لر مرکز ولایته قرق الی ساعت مسافده اوله بیلیر. یوللر مز یوق، پوسته لر مز یوق اسقاطی ایجاب ایدن اعضانک اسقاطی تا ولایت شوراسنه قدر کیترمک، هر حالده؛ معاملاتق تأخیر ایدر. اونکچون بز بو حقی ناحیه شوراسنه ویره لم. ناحیه شوراسی

ایچریسندن سقوطی موجب اولان اعضاسنک اسقاطنه قرار ویرسون نته کیم زده کندی ایچمز دن اسقاطی ایجاب ایدن اعضانک اسقاطنه قرار ویر یوروز. بو صورتله ناحیه شوراسی خارجی نفوذلر دن قورتلمش اولور. بالفعل وبالذات کندی اعضاسنی انتخاب ایتمش اولور. اونک ایچون بونک تصحیحی چوق دوغریدر.

دکائی بک (آطنه) -- افندم! انجمن صفا بک مطالعه سنی قبول ایدیور فی الحقیقه؛ دوغریدر. اعضاقلدن اسقاطی لازم، محل شرف و حیثیت بر وفعلدن دولایی جنجه ایله محکوم اولانلری ناحیه شوراسی ده آروجه مخابره به حاجت قالمقیزین شو ماده قانونیه موجبنجه تحقیق ایدن احوال موجبنجه او اعضایی اسقاط ایده بیلور. او صورتله اسقاط اولور. تصحیح ایدلسون، توفیق افندی کدمین محل شرف و حیثیت فعلدن طولایی بیوردقلری ایکنجی مقصد ایضا حاتلرنده آکلاشیلدی. محل شرف و حیثیت اولان شیلر هیئت علیه جهده معلومدر. بوراده موضوع بحث اولان شی محل شرف و حیثیت جنجه ایله محکومیتدر. بو محکومیتک مدتی دیگر جرائمده اولدیغی کبی تمدید ایدلمه مشدر. مثلاً بر آدمک محکومیتی محل شرف و حیثیتدن طولایی بر آی اولسه او کیلیرنی شورا اعضالغنه قبول ایتمه مک دیکدر. بناء علیه؛ بومسئله ظن ایدر سه محل مناقشه دکلدر. توفیق افندی علی الاطلاق محکوم اولنلادن محل شرف و حیثیت اولان آدملر دن بحث ایتک ایسته ورلر بوندن طولایی حقتده دعوی ایدلمشده شکایت ایدلمش فرض ایدلم بیوردقلری کبی میخانه جیلک ایدنلر، عفو ایدر سکنز. تیآرو جیلق ایدنلر، بونلر مجلس اعضاسی و شورا اعضاسی اولسونمی؛ دیورلر. فی الحقیقه؛ بومسئله جای نظر در. بعض مملکت قانونلرنده وار. شورا اعضاسی و ناحیه مدیری میخانه جی، تیآرو جی اولاماز؛ اگر هیئت جلیله کز قبول ایدر سه بونی یا پارز (حاجت یوق سسلری) مبعوثان قانوننده واردر. اهالی اسلامیه نک میخانه جیلک ایله اشتغال ایتدیکی یوقدر. یالکز اکثریتی خرستیان اولان بعض کویلر دنده ونلر دن شورا اعضاسی اوله جق و بلسکه بعض کویلر ده اونلر دن ناحیه مدیری ویا اعضا اوله جقلر واردر. میخانه جیلک

استثنا ایدلمش اوله بیلور. بلغارستان قانوننده بویله در .
ناحیه شوراسی واعضاسی میخانه جیاسکله اشتغال ایده مز لر.
اوراده بو بر جرم اولما قله برابر محل شرف و حیثیت اوله رق
قبول ایدلیکی ایچون ناحیه مدیر لکی و شورا اعضا قله
ائتلاف ایده مز .

وهی بک (قره سی) — افندم! ماده نك باشنه
انتخابدن صوکره دیمک آچیق اولسی واضح اولسی ایچون
لازمدر . صفا بکک مطالعاتی ده تماماً واردر اونک ایچون
محل شرف و حیثیت احوال دن برینک قبول و ایفاسیله
اعضال قدن سقوط ایدر و بو سقوطه ناحیه شوراسنجه
قرار ویریلیر . و یاخود سقوط ناحیه شوراسنجه تنبیت
ایدیلیر . طرزنده بر فقره نك علاوه سی لازمدر . ذاتاً بوکا
اعتراض ایده جک اولورسه حقنده قرار ویریلن ذات
بو تون ناحیه شوراسنک قرار لری کی: ولایت شوراسی مرجع

استینا فیدره اوراده تدقیق ایدیلیر .

سلیمان سری بک (یوزغاد) — سقوط بعدال انتخاب
قیدینه لزوم یوقدر . چونکه : سقوط اسقاط انتخابدن
صوکره اوله بیلیر . ذاتاً فصلده انتخاب حقنده در . بوتکلیفه
لزوم یوقدر .

رئیس — افندم! صفا بک اون یدنجی ماده حقنده
اساسلی بر تعدیل تکلیفنده بولندی . صفا بکک تکلیفنه
انجمنک موافقت ایتدیکی آکلاشیلور . فقط تعدیلنامه
کوندرلمدی . تنسیب بویورورسه کز بوماده یی انجمنه ویره لم.
انجمنک ده نظر دفته ال دینی افکا و مطالعات ایله یکیدن
معدل برشکلکی تعدیلاً بزه کتیرسون . بو خصوصده یوزغاد
مبعوثی سلیمان سری بکک تعدیلنامه سی ایله برابر بوماده یی
انجمنه ویریمورز اون دقیقه تنفس .

— ۸۲۶۹۲۸۵ —

ایکنجی جلسه

رئیس — برنجی رئیس وکیلی حسن فهی بک افندی

کاتب — سعید بک (موش)

۸ تشرین اول ۳۳۷ - صالی - ساعت ۴ صوکره

— ۸۲۶۹۲۸۵ —

توفیق افندی (کنگری) — بنده کز بوماده حقنده
بر تکلیفنده بولتمشدم .

رئیس — انجمن نظر دفته آلامش افندم .

سلیمان سری بک (یوزغاد) — رئیس بک! انتخابدن
صوکره اسقاط ایدیلیر . اسقاط کله سیله بعدال انتخاب کله سی
آکلاشیلور اسقاط انتخابدن صوکره اولور .

رئیس — افندم! رایه عرض ایتک ایچون تعدیلنامه
یوق اکر تعدیلنامه سنی مطالعات و ملاحظاتی رایه عرض
ایتمک اصولدن اولسه یدی یاپاردم . آرزو ایدرسه کز رأ بکزه
عرض ایده م .

شوقی بک (ایچ ایل) — انتخاب ایدلمه یی بر آدمک
سقوطی ایجاب ایدرمی ؟

رئیس — افندم! مساعده بیورک سوز ایستین
وارسه سوز ویره م (یوقدر سسلری) پکی افندم .

رئیس — جلسه کشاد ایدلدی . انجمن اون یدنجی
ماده یی تعدیلاً کوندرمش . شکل مصححی او قونه جق .
ریاست جلیبه

ماده معدله بوجه آتیدر :

ماده ۱۷ — جنایت محل شرف و حیثیت بر فعلدن دولای
جنحه ایله و افعال ساثره دن دولای بر سنه مدتله و دهها زیاده
حبسه محکومیت و دیگر بر ناحیه یه صورت قطعیده نقل مکان
اعضالق ایله قابل تألیف واجتماع اولیان احوال دن برینک قبول
وابقاسی اعضا قدن سقوطی مستزمدر . اسقاط کیفیتی ناحیه
شوراسی قراره اجرا اولور . ۸ تشرین ثانی ۳۷

رئیس — طربزون مبعوثی جلال الدین بکک بر
تعدیلنامه سی وار . محل شرف و حیثیت بر فعل ایله اشتهار
صورتیه تصحیحی تکلیف ایدیلور . ذاتاً انجمنک
کوندردیکی شکل بو تعدیلنامه یی تأمین ایدیلور اونک ایچون
رأ بکزه عرض اتمه یورم .

افندم! بو ماده حقنده بشقه مطالعه وارمی ؟

— اون بدنجی ماده نی انجمندن کن تعدیلی وجهه برنجی
مذاکره سنی کافی کورنلر لطفاً ال قالدیرسون : (قبول
ایدلی افندم)

افندم ! اوچنجی قسم معاملات انتخابیه حقنه در .
اون سکنجی ماده او قونه حق .

ماده ۱۸ — انتخاب سمنسی مایسک برنجی کونی
بالموم ناحیه لرده انتخاب جدولرینک تنظیمنه مباشرت
اولنور . جدولری ناحیه دائره سننده کی انتخاب دفتری
اساس اتخاذ ایدرک ناحیه مدیری طرفندن تنظیم ایتدیریلیر .
متعدد کویلردن مرکب ناحیه لرده هر کویه عائد انتخاب
جدولری آری آری ترتیب اولنور . اشو جدولرلرک
نهایت برآی طرفنده تنظیم واکالی لازمدر .

راغب بك (کوتاهی) — افندم ! مالموم عالیکنز
پایدیغمز قانون ، واقما اسمی ناحیه قانونی ایسه ده بونلر
شمیدیکی موجود اولان ناحیه لر کی بویوک ناحیه لر ماهیتنه
دکلدر . بناءً علیه بو ناحیه ده دوغریدن دوغریده کوی
دیتمک ده موافقدر . بو اعتبارله شمیدی بویوک حالت
روحیه سنی واونک احوال اجتماعیه سنی دوشوملی و اوکا
کوره بسیط برشکلده قانونلر یامالی ز . شوفصلی یوقاریدن
آشماغی به تدقیق ایده جک اولورسه ق کورورز که انتخاب
قانوننده موجود و متعامل احکام نه ایسه همان کافه سنی
احتوا ایدیور . یعنی کویلونک یاپه میه جنی کویلوچه پک
مشکل اولان بر طاقم موادی محتویدر . اونک ایچون
بنده کزه فالورسه بوفصلی انجمنه کوندرم . کویلوچه
یارایه جق بر طرزده کویلینک یاپه بیله جکی بر ماهیتنه
بسیط بر شکل قبول ایتسون . و او شکل ایله کوندرسون .
یوقسه بو کویلونک ذهنی اشغال و اعلاق ایدر . اوچ
کون طرفنده اعتراض ایده جکدی . بش کون طرفنده
مرکز ولایته کیده جکدی . مرکز ولایتدن تصدیق
ایدیله جکدی . رد ایدیله جک . ایجاب ایدرسه استیناف
ایده جکدی . کی بر چوق احکام وارددر . بونلری کویلی
یاپه ماز . کویلی ایچون پک مشکدر . خصوصیتیه بو
شکل حیاته هیچ ایشمامش بر جماعت ایچون چوق مشکل بر
اشدر . اگر هیئت علیه کز قبول ببورورسه انجمن

بونی ده بسیط برشکلده یاپسون . مثلا انتخاب یاپدینگی
وقت حق انتخابی حائر اولانلر اوچ کون طرفنده یوم
میعنی دوول ایله اعلان ایدیلرک مراجعت ایتسونلر .
ویا خود تعیین اولنان کونده کلسونلر . دوغریدن ، دوغری به
رایلری ویرسونلر . شویله بسیط بر طاقم شکلار قونلیدر .
بوشکل کویلی ایچون مشکدر . شمیدی برنجی ماده به
کلنجه افندم ! اکر که : بوشکلک قبولی ایجاب ایدیورسه
برنجی ماده ده ایکی جهتی شایان مذاکره کور یورم .
برنجیسی : مایسک برنجی کونی انتخابه مباشرت ایدیله جک
یعنی انتخاب معاملاتنه مباشرت ایدیله جک آغستوس نهایتنه
انتخابات ختام بوله جق . مایسک برندن آغستوس نهایتنه
قدر کویلی انتخاب معاملاتیه زمان ، زمان مشغول اوله جق
هیچ شبهه یوقدر که : افندیلر ! کویلولر اوچ درت درجه انتخابات
یاپه جقدر . یعنی ناحیه شوراسنی انتخاب ایده جک . صوکره
ولایت شوراسنی ، صوکره بیوک ملت مجلسی انتخاباتی
اجرا ایده جک بر چوق انتخاباته مشغول اوله جق .
انتخاب زمانلری دائماً بحرانی زمانلردر . یعنی انتخاب
دورلرنده مملکتلر ، کویلر بحران کچیرلر . مایسک برنجی
کونیه آغستوس نهایتی که : کویلونک کندی خصوصیتیه
اک چوق مشغول بولوندیغی زراعتیه ، حیواناتیه و الحاصل
هر ریشیله مشغول اولدیغی بردوره در ، بر صفحه در .
اونک ایچون بو زمانده کویلو صورت قطعیه ده انتخابه
اشترک ایده میه جکدر . آغستوس نهایتنه اجرا قلنه جق
انتخاباته کویلینک آنجق درنده بری اشترک ایدر .
متبایبسی خرم نلریله مشغول اولور . حالبوکه : بو بویله
بر انتخاب که : کندیسنگ دوغریدن دوغری به مقدراتیه
حیاتیه علاقه داردر . درنده برینک اشترکیله یاپیله جق
انتخاباتک هیچ بر قوتی اولماز و او شورا و ناحیه یی تمیل
ایده عز . بناءً علیه مبدأ انتخابی بنده کزه قالیرسه مارتک برنجی کونی
اوله رق قبول ایتلیر چونکه : کویلونک مشغولیتلی زمانیدر .
صوکره ده دفتر برآی طرفنده ناحیه مدیری طرفندن
تنظیم ایدیلیر . حالبوکه : بر ناحیه ننگ اعظمی ایکی بیک ، اوچمیک
نفوسی وارددر . بونلردن حق انتخابی حائر اولانلر اعظمی
یدی سکنز یوز کیشی اوله جقدر . یدی سکنز یوز

کشینک دفتربی برآی ظرفنده اجمال ایده جکدر که اوزون زمان بر اققدن ایسه کویلونک اگ آژی شی اولان زمانده کویلونک ای شی بیترمک ایچون بونی ده اون بش کونه تنزیل ایتملی و اونی متعاقب که جگ زمانلریده طی ایتملی که: کویلونک ای شینک اگ آژ اولدینی بر زمانده انتخاب معامله سی بیستون ، کویلو ای ش زمانده ای شیله مشغول اولسون . بو نقطه نظر دن بو اوچنی قسمنی بسیط بر صورته افراغ ایتمک اوزره انجمنه اعاده ایتملی هیئت علیه کزجه قبول ایدلیه جگ اولور سه برنجی ماده حقتده اعتراضتم بودر . بوکا دائر تعدیلنامه واردر .

وهی بک (قره سی) — بو ماده ده انتخاب سنه سی مایسک برنجی کونی باشلایه جغنی کوستریور . دیمک که: مملکتک هر نقطه سنده ناحیه انتخاباتی مایسده باشلایه جق . بناء علیه؛ مملکت ناحیه شورالری انتخاباتی درت سنه ده یا خود ایکی سنه ده بر هر یرده مایسده بو بجران باشلایه جق . فرقه جیلانی چوق اولان مملکت لرده ناحیه شورالری انتخاباتی بویه معین وقتلرده تثبیت ایتمک بلکه بر طاقم آمالی ترویج ای تدریمک ایچون اوله بیلور . فقط ؛ بزکه مملکت مزده بونک الی الابد مطرود اولسنی ایسته یورز . او حالده ، تشکل ایده جگ فرق هر حالده مملکتک اساسانه مثلا چیفتجیلکنه ، زراعتنه ، تجارتنه و الحاصل حیات مملکتنه علاقه دار اولان قسملرینه منحصر قلمسنی آرزو ایدی یورز . بو حالده ناحیه لری سیاستجیلکله علاقه دار ایتمکدن قور تارمق لازمدر . بر بو نقطه من و برده عملی نقطه نظر دن بونک مایس اولسی موافق دکلدر . راغب بک برادریمز مایس ایله مارتی کوستردی . حالبوکه: مملکتنی دوشونورک سویلدیک مارتده اوراق یاپانلر بولنور و یا خود اوراق یا قلاشمش یرلر بولنور . بونی بوراده تثبیت ایتمه مک امکانی یوقدر . بورالرده تشرین اولده خرمن یاییلدیغنی کوردم . حالبوکه: مایسده خرمانی اجمال ایدن یرلر مزده واردر . شو حالده ، بورایه قویه بیله جگمز شی اولا انتخاب سنه باشنی تثبیت ایتمک و صکره اوزمانده انتخاباته باشلامنی کوسترمک بونک ایچون انتخاب سنه باشنی ولایت شورالرینه ترک ایدرز . هر محل بر دفعه اولق اوزره انتخاب سنه

باشلری تعیین و تثبیت ایدر . و اوراده انتخابات اووقت باشلار . اونکچون بنده کز تکلیف ایدیورم . انتخاب سنه باشی ولایت شوراسنجه تعیین و تثبیت ایدیلیر و سنه باشنده بالعموم متخبلر کلیر الی اخره . برده انتخاب جدوللری ناحیه دأر دسنده اوله جغنی یرده قریه دأر دسنده دینلیمش بوند زهول اوله جقدر و ناحیه دینله جکدر .

حیدر بک (وان) — اوت اقدام ناحیه اوله جق .
 رئیس — نجیب بک بیورک .
 نجیب بک (ارطغرل) — واز کچدم .
 رئیس — شوقی بک بیوریکز .
 شوقی بک (ایچ ایل) — اقدام! بنده کزک و بیله جگنی راغب بک سویلدیلر . یانکز اهالی زراعته متعلق ایشرلی تامایس آیندن اعتباراً ایلول ، تشرین اول نهایته قدر دوام ای تدریر و تشرین آیلرند زراعته باشلار . مارته قدر دوام ایدر بونک ایچون اهالی مارت ، نیسان آیلرند بوش قالیر . (اولیه دکل ، هر یرده دکل سسلری) بناء علیه؛ مارت ابتداسنده انتخابات باشلار سه نیسان نهایته قدر بیتمش اولور .

حیدر بک (وان) — اقدام! اندیشه لر و مناقشه لر هپ کویلونک زراعت ایله مشغول اولدینی بر زمانده انتخاب ایله مشغول اولسی کیفیتنده در . بنده کزه قالیر سه انجمنک تکلیفی هپسندن ده موافقدر . چونکه مایسک برنجی کونی باشلایان معامله ده برآی ظرفنده دفتزلر احضار و اخراج اولنه جقدر . بو دفتزلرک احضارنده کویلونک هیچ بر دخل و تاثیر یوقدر . صکره حاضر لکان دفتزلر جزیرانک یکر می بشنه قدر تملیق اولنه جق . بو کیفیت تعلیق دن مقصد نه اوله بیلیر ؟ بومدت ظرفنده حق انتخابی حائر اولان هر شخصی کندی اسمی مقیدمیدر ، دکلیدر دیه اوکا باقه جقدر . بو بک بیورک بر مشغولیت دکلدر . کندیلرینی زراعتدن البقویه بیله جگ شکلده دکلدر . بو صورتله حقیقی انتخاب آغستوسک نهایتنده باشلار . بوزمانده اکثر یرلرده خرمنلر قالمشدر . اوزمانده . . (کورولتولر) رجا ایدرم بی تیریم . بوراده دینیورکه: اوچ کون ظرفنده انتخابات اجرا اولو

نه جق و او اوج کون طرفنده کویلر صره سیله دعوت ایدیلوب رأیی آنه جق و انتخابات برقاچ ساعتہ انحصار ایتش اوله جقدر . یوقسه بو انتخاب دوره سی طرفنده مستعراً مشغول اولیه جقدر . یالکز حزیران آیی طرفنده تعلیق ایدیلن لیستلره اگر کنسدیسی او قومق بیلمزسه بشقه لری معرفتیه و او قومق بیلرسه کندیسی باقه جقدر و بوندن قانونده مندرج اولان و بوندن اول قبول ایتدی کمز ماده لرده کی اوصافی حائر اولوب اولمدینی آکلاشیله جق . بونده قوشقوللانہ جق برشی یوقدر ظن ایدرم و بوکا محل یوقدر .

شوق بک (ایچایل) — اغنام و مواشی صاحبی اولانلر آغستوسده کاملاً یا یایه کیدرلر و اون ایکی ، اون بش کونلک اوزاق لرله کیدرلر .
حیدربک (وان) — افندم! اعلان اولنه جق و او زمان اوج کون طرفنده کله بیله جکدر .

توفیق افندی (کنغری) — افندم! انجمنمزا انتخاب سنه سی مایسک برنجی کونی دیمکله برچوق شیر دوشو- نمشلر ظن ایدیوروم . یعنی انتخاب مانورلری دوشونمشلر مبعوثلک سنه انتخابیه سی بزم سنه مایمز اولان مایسندن باشلار . ودها برچوق شیرلر . اگر انتخابی بویله مایسه براقه جق اولورسه ق ایلروده مبعوث انتخاباتی بو انتخاب دولایسیله تأثیر و تأژدن خالی قالماز . اک دوغرو تکلیف وهی بک افندی بک تکلیفیدرکه : ولایت شورالینه ترک ایتکدر . بوده محذوردن سالم دکلسده یته ایتدر . شورالره براقایدنر .

ضمیر بک (آطنه) — افندم! انتخابی مایسه براقق دوغرو دکلدنر . چونکه ولایتلر منک هر طرفنی کوز اوکنه کتیرلم . برچوق ولایتلر من و اردرکه : مایسده اک ایشلک زمانلریدر بونک ایچون سنه نک برقاچ بوش زمانلری و اردرکه مثلاً کانون اول کانون ثانی ایلرنده هر کس بوشدر . بناء علیه بنده کز کانون اول ، کانون ثانی ایلرنده انتخابک اجرانی تکلیف ایدیوروم .

رئیس — اون سکزنجی ماده نک تعدیلی ایچون ویریلن بش تقریردن ددی انتخاب سنه سی میدانک

مایسک غیری کونلر ایچوندر . فقط قره سی مبعوثی وهی بک تقریری انتخاب سنه سی میدانک ولایت شورالرنجه تثبیت ایدلسنی متضمندر . بو تقریری نظر دقتہ آلانلر لطفاً اللرنی قالدیرسون . لطفاً اللریکزی ایندیریکز بو تعدیلنامہ بی نظر دقتہ المیانلر لطفاً اللرنی قالدیرسون . (تعدیلنامہ نظر دقتہ آلمشدر) او حالده دیکر مایس ، نیسان ، کانون ثانی ایلرنده اولسی یولنده کی تقریرلرک بر قیمتی قلمادی . یالکز کوتاهیسه مبعوثی راغب بک تقریرینک ایکنجی فقره سی و اردرکه : رأیکزه عرض ایدیوروم . ماده نک صوک فقره سنده کی برآی طرفنده کی مدت اون بش کون اولسی تکلیف ایدیور . نظر دقتہ آلانلر لطفاً اللرنی قالدیرسون . اللریکزی لطفاً ایندیریکز . افندم! راغب بک تقریرینی نظر دقتہ المیانلر لطفاً آل قالدیرسون (نظر دقتہ آلمشدر)

نجیب بک (ارطغرل) — رئیس بک مستکفلر قبولی صایلیر ؟

رئیس — خایر افندم! شو حالده انتخاب سنه سی میدانی شورالره براقیوروز . برآیده اون بش کون اولیور . وهی بک (قره سی) — رئیس بک بر تصحیح دها و اردر . ناحیه اولاجقدر .

رئیس — او حالده ، ماده شوشکللی آدی .
ماده (۱۸) — انتخاب سنه باشی ولایت شوراسنجه تعیین و تثبیت ایدیلیر . سنه باشنده بالعموم ناحیه لرده انتخاب جدوللرینک تنظیمنه مباشرت اولنور . انتخاب جدوللری ناحیه دأره سنده کی انتخاب دفتری اساس اتخاذ ایدیلهرک ناحیه مدیری طرفندن تنظیم ایتدیریلیر . متمد کویلردن مرکب ناحیه لرده هر کوبه عائد انتخاب جدوللری آیری ، آیری ترتیب اولنور . اشو جدوللرک نهایت اون بش کون طرفنده تنظیم واکلی لازمدر .

برنجی مذاکره سی کافی کور و بده اون طقوزنجی ماده به کلامنی قبول ایدنلر لطفاً آل قالدیرسون (قبول ایدلای) اون طقوزنجی ماده به کچلای .

ماده ۱۹ — انتخاب جدوللرینک احتوا ایتدیکی مواد بوجه ایتدر :

- ۱ — حق انتخابی حائز اولانلرک اسم و شهرتلی
۲ — صنعتلی
۳ — سنلی .
۴ — او قوبوب یازمق بیلوب بیلمدیکی وبرمکتبدن
مأذون ایسه اومکتبک اسمی ، درجه سی .
- ۵ — محل اقامتلی .
رئیس — اقدم ! سوز آلان یوق . تعدیلنامه ده
یوق . فقط ؛ معالاسف رایکزه عرض ایتک ایچون
اکثریت ده یوقدر . پنجشنبه کونی اجتماع ایتک اوزره
جلسه یی تعطیل ایدیورم . ساعت ۳ صکره



1 -	...
2 -	...
3 -	...
4 -	...
5 -	...

